

5050 Nunavut-kut Timeoyok Laesoeyum Napaa KTL306C016, McGregor Lake-mi Iglukpakakvik Atuvaageagani, 2008-mi Nalulanigitok Havaam Kanogitunikhaagun

1. Hivunikhiyutin

5050 Nunavut-kun Timoeyok (5050 Nunavut-kun), taya tigumeaktun Kitikmeoni Inoen Katimayin (KIA-kun) Nunanik Atugeagani Laeseoyumik KTL306C016-mi iglukpakakveoyagani (milvikaklonilo), napayunoanik naonaeyaelotik nunanik, nalvakheoklotiklo oyagakheokvikhanik, ikutaklotiklo agiyugaalokniklo okhokayoakakvikaklotik McGregor Lake-mi. Piyutaoyok iglukpakakvik ihoakutaoyagani nalvakheoktunin ukuniga Mackenzie Igneous Event-mik (MIE-mi) Bear Valley Unranium-milo nalvakheokvikmi nunami. KIA-kun Nunanik Atugeagani Laeseoyok atulaktok July 15-mun 2008-mi.

Una laeseoyok hivoagun pihimayok nutamik iglukpakakvikageagani Iceberg Creek-mi hivugaata oalikheani hinaata McGregor Lake-mi, kiheani, aheanik nutamik iglukpakakvikageagani, KIA-kun pikoeyun 5050 Nunavut-kun atukuvlogin kimaktaohimayok nalvakheoktin iglukpakakvigaloaganik (taya kaoyimayaoyok McGregor Lake-mi Iglukpakakvikmik) tunuhikheani hinanetumik McGregor Lake-mi. Una inigiyaolaktok iglukpakakveogaloak atoktaohimakman ahenin oyagakheoktinin taemani (Naonaepkun 1-1-mi).

5050 Nunavut-kun tukhiktokmata nutaguktikniganik atuvageaganilo KTL304C016-guyok 10-taosan metamik ikutakvikageagani MIE-giyamikni Bear Valley-milo nunagiyamikni atugumakmatalo McGregor Lake-mi Iglukpakakveoyumik ukoa havaagiyaotilogin. Ihoageagani igulalikata, iglukpakakvik agikligeakneaktaan inukalaaligeagani 25-nin 30-mun havaktunik.

2. Atulikvikhagun

Iglukpakakvik inukalikneaktok havaliklotiklo February-min October-mun, umiklonilo November-min February-mun.

3. Iglukpaen

Hanavalagitagani, 5050 Nunavut-kut atokneaktun malguknik napagekchimayuknik iglukpakakvikmi, nigutoktigigeaklotik piyageakaligaagamik talvatoak. Malguk hiniktakveoyukhak ilageakneakaen taya atoktamiknun inugeakhigeakan iglukakveoyok. Nigutoktigigeakneaktun taya iglukpanoamik inikageagani Nunaoyalikiyim titigakvikhaanik. Ukoa titikan naonaepkutaoyun napayukhanik iglukpakakvikmi.

Iglukpaom Kanogituniga	Nutak Inigekhimayoklunen	Kanok Agiyuniganik	Kaveonigin
Atokloaktok Iglukpanoak	Nutak	20ft x 30ft	Ataohik
Oyagaktaanik Naonaeyaeyim Titigakgikhaa ilagilogo taya atoktum iglukpanoam		34ft x 20ft	Ataohik
Ikutaktin Ataneata Titigakvikhaa	Inigekhimayok	14ft x 16ft	Ataohik
Igavik nigiviklo	Inigekhimayok	30ft x 16ft	Ataohik
Aneaktunik Monakhivik	Inigekhimayok	14ft x 16ft	Ataohik
Alguyaktutinun Pikutikakvik	Inigekhimayok	10ft x 10ft	Ataohik

Paneomayukakvik	Inigekhimayok	34ft x 20ft	Ataohik
Hiniktakvik (iluvgoalgin tupen hiniktakveoyun)	Inigekhimayok Nutak	16ft x 20ft 14ft x 16ft	Siksin Taliman
Anageaktokvik	Inigekhimayok	9ft x 9ft	Ataohik
Nutaan Anageaktokven	Nutak	9ft x 9ft	Malguk

4. Pikutin

Ukoa titigakhimayun piktutin talvaneneaktun atoktaolotiklo MacGregor Lake-mi Iglupakakvikmi.

Hunaoniga Pikutim	Kaveonigin	Agitilaagin Nunamilo Atikhinigagun	Atoknigagun
Poalgiyaon D6M-guyok atikhiyutivalalimagitok nunamik aolavikmini	Ataohik	15,000kg /4.71 psi-mik	Iglupakakvikmi ihoakhaeyutikhak hikumilo milvikhamik hanakiyutikhak
Aaleak	Ataohik	2,300kg/ 5cm-mik nunami atikhinigagun	Iglupakakvikmi ihoakhaeyutikhak hikumilo milvikhamik hanakiyutikhak
Poalgitilinoak Akhalun	Ataohik		Iglupakakvikmi ihoakhaeyutikhak hikumilo milvikhamik hanakiyutikhak
Siketun	15-guyun	Aalatken mikineaktun	Aolagutikhan
Hitiyumik kigutikaktok ikutakyoak nunamik	Malguk	Atiknikhak 8-hanata metamik BTW-mun	Ikutaotikhak
Hanikaptak(AStar B2-guyok)	Ataohik	-	Akyaktokhak havaktunik pikutiniklo (ikayoktoelonilo)

5. Okhuvaloen Kuveyukaknikalo Upalugaegekhimayukhan

Takuyavan McGregor Lake-mi Iglupakakvikmi Kuveyukaknikan Kiklimaktigiyutikhan okhokyoalikineaknikata kuveyukaknikalo. Naonaepkutin havuma ataanetun okhuvaloen kitukmagaa agitilaagilo tutkumayaoyun iglupakakvikmi.

Okhokyoam Kanogituniga	Okhokakveoyun	Kaveonigin Okhokakveoyun	Okhokyoan Pugin (litre-mik)	Ataotimun Tutkumayaoyukhan Iglupakakvikmi
Okhokyoak(P-50- guyok)	Katakoyen	100	170 Letamik	17,000 Letamik
Kasilen	Katakoyen	10	170 Letamik	1,700 Letamik
Hanikaptaom Okhokhaen Jet B- guyok	Katakoyen	300	170 Letamik	51,000 Letamik
Puplaen	Katakoyen	10	100 paon puun	1-taosan paon
Okhoktigutikhan Okhuvaloelo	Palastikni Puuni	25	20 Letamik	500 Letamik

6. Ikaguvaloen Igitaovaktun

Annakun – Katitaoneaktun atoklogo “Pacto-guyok anakvik” (imaktugeakagitok, alguyaktugitoklunen, anagukvikageakagitoklunen) ikulatiyaoneaktok iglukpakakvikmi ikulatiyunmi.

Hilaepakun – Hilaenakmin halumaktiktaoneakok imagikhitevikmi 1-hanat metamik hinaanin imaokakniganin.

Ikulalaktun Ikaguvaloen – Ikulatiyaovakneakun uplutoagaagan iglukpakakvikmi ikulatiyunmi.

Ikulalimagitun ikagun agataelo ikagun – puktoktaolotik tikmeakun akyaktaoneakun Yalunaemun haoyaoyukhan ikagukveanun.

Ikagun okhuvaloen aneagutaolaktulo ikagun – Okhuvaloen iglukpakakvikmi ikulatiyaoneakun atoklogilunen ignikvikmi unakutikhanun. Pikalimagitok aneagutaolaktunik ikagunik iglukpakakvikmi.

Imakagitun katakyoen okhokyoanulo puun – Kuvilaeyaklogin tikmeakun akyaktaolotik ikagukvikmun Yalunaemi Kugluktumilunen.

7. Taya Avataoyok

Havaak nalvakheokveoyok; talvuna hivoagun naonaeyaehimaginmata huli. Ihivgeokhiyi INAC-kunin polakhimayok iglukpakakvikmik August 11-mi 2007-mi, naonaeyaehimayok imavaloknik humilikaa iglukpakakvikmin ikutakvikhanilo. Takuyavan McGregor Lake-mi Iglukpakakveom Kanogitunikhagun titigakhimayun ihivgeogeagani naoteavaloen talvani, avataoyuvlo kanogitunigagun.

8. Avataoyumik Aktoknigin

Avataoyumik aktokniga mikineaknahugiyaoyok. Iglukpakakvik tayalo napayun atoknigagun aktugutaovalalimagitok nunamik. Nikivaloen tutkumayaoneakun ukoakhimayuni iglukpakni ikaguvaloelo ikulatiyaoneakun uplutoagaagan hugaavaloen talvugaogitaagani. Iglukpakakvikmi hulilugagutin, okhokyoakakvelo imikhivelo, havaagiyaoneakun igaheaktumi 30-metamik imavaloknin.

Ikutavaloen tikmeakun akyaktaovakneakun ikutakvikhaenun nuna atoktaovalagitaagani. Oyagaktaakhan nalvakheoktaoyun piyutigivlogin, ikutakpakneakun ugahiktigilotik 30-metamin 1-hanat metamun imavaloen ugahikniganin. 5050 Nunavut-kun okaotineakaen hanikaptanik tikmealikiyin humenmagaa umikmaen hanivaagun pivakneakun kulvahikhivaaliklotiklunen tikmiligaagamik nipaakpalagitaagani nunami. Akhaen kaninikata, havagoekpakneakun. Kilgavelo uvloen kaningaktaelineakaen.

9. Utiktitaoligeakan Nunan Iitkuhenun

Takuyavan McGregor Lake-mi Iglukpakakvikmi Kimaalikata Utiktitaagani Nunan Iitkuhenun Paknaeyoan.

10. Nunaliknin Havaktukhan

5050 Nunavut-kun havaktitineakun 9-nik nunaliknin havaktukhanik manikami ukunuuna Kikiak Hanayinin Kugluktumin. Havaktikhakheokneakulo kukeoyukhanik halumakhiyukhaniklo.